

清 潘仕成 輯

海山仙館叢書

拾陸

鳳凰出版傳媒集團
鳳凰出版社

〔清〕潘仕成輯

海山仙

館叢書

鳳凰出版傳媒集團
鳳凰出版社

動物本諸天故頭順天而呼吸以氣植物本諸地故根
順地而生降以津藎動物取氣於天而乘載以地植物
取精於地而生養以天

通
欽

人順生草木倒生禽獸橫生

說
原

甲虫影伏羽虫體伏食草者多力而愚食肉者勇敢而
悍齧吞者八竅而卵生咀嚼者九竅而胎生無角者膏
而先前有角者脂而先後食葉者有絲食土者不息食
而不飲者蠶飲而不食者蟬不飲不食者蜉蝣屬卻
行虵屬紆行蜻蛉屬注鳴蜩屬旁鳴發皇翼鳴蚣蜥股

鳴榮原胃鳴

酉陽雜俎

蝟使虎口蛇令豹止物各有所制也鵲巢知風之自獮

穴知水之高下

淮南子

視鴟制施觀魚制帆鳩食桑甚則醉猶食薄荷則醉虎
食狗則醉鷓鴣能救水故宿水而物不害鶴能步巫禁
蛇啄木遇蠹以嘴畫字成符而蠹出鵲有隱巢本鷲鳥
不能見燕避戊巳日則巢固而不傾鸛有長水石故能
於巢中養魚而水不涸燕惡艾雀欲奪之則啣其中
鷲避戊巳蝠伏庚申一歲三蚕則桑弱馬耗鳥無胃

肺蛤蜊無臟蛭以空中而生蠶以無胃而育 貼抱者
鵠鵠鵠雀也影抱者龜鼈鼃鼃也 鰲皮殼甚銳然性
畏蚊蚊小螫之輒斃煮羊以鮑煮鰲以蚊物有相感鵠
胡飲水數升而不足鱣鮪入口若露而死猿有手可以
捕鼠鹿有角可以制犬而制於犬 續博物志
飛禽卵皆先具形待交始生育走獸胎生胎則遇交始
成形生育是以有旦卵無旦胎也獸得陰數陰數無始
爲無上故無翼禽得陽數陽數無終爲無下故一竅而
無尿也 鷄鵝鴨家畜不能飛其他野禽皆能飛或曰

家畜皆卵內卽生毛故不能飛野禽皆卵外生毛故能飛又曰家畜雌抱伏而雄不抱伏得陰氣多故不能飛野則雌雄皆抱伏故能飛也二說皆通 春夏之氣飛騰物因之而變化者亦然青虫化爲蝴蝶水虫化爲蜻蜓之類是也秋冬之氣潛降物因之而變化者亦然雀入大水爲蛤雉入大水爲蜃之類是也 鶴以怨望鴟以貪顧雞以嗔視鴨以怒嗔雀以猜懼燕以狂盱鶯以喜嘽鳥以悲啼鳶以飢鳴鶴以潔唳梟以凶叫鵝飛則蜮沉鴈鳴則蜩結鸛俯鳴則陰仰鳴則晴

陸生之鳥味多銳而善啄水生之鳥味多圓而善啖短

脚者多伏長脚者多立

禽經

鷺目成而受胎鶴影接而懷卵鴛鴦交頸野雀傳枝

龍能變水人能變火

陰陽變化論

鳩化為鷹之類皆身在而心化若鼠為鴛雀雉為蛤蜊

之類皆據身而化

周禮注

鶴以聲交鵲以意交鳩鵲以睛交而孕凡禽以翼右

掩左者雄左掩右者雌野鷄屬陰先鳴而後鼓翼家鷄

屬陽先鼓翼而後鳴

爾雅疏

乾爲馬坤爲牛乾陽物也馬故蹄圓坤陰物也牛故蹄折陽病則陰勝故馬疾則卧陰病則陽勝故牛疾則立馬陽物也故起先前足卧先後足牛陰物也故起先後足卧先前足

造化權輿

暮鳩鳴卽小雨朝鳶鳴卽大風鵲驚鬼鵲厭火孔雀避惡牛走順風馬走逆風犬喜雪馬喜風豕喜雨兔吐子鷓鴣吐雛蝦蟆無腸龜腸屬於頭羊跪乳爲孝鹿斷腸爲慈蟻立君臣雁篤夫婦犬馬報主雞知時鵲知風蟻知水其精靈有勝於人者

通典

龍不見石人不見風魚不見水鬼不見地人火得水

則滅龍火得水而熾

內典

虎善卜狸善搏鶴善符鶴善舞鷄善鬪鸞善歌鸛鵒善
言鳩善步罌鴛善畫印鴻鵠善勅螺贏善祝蛇蟠向王
鵲巢避太歲燕伏戊己虎奮衝破乾鵲知來猩猩知往
鶴聲抱鰲睛抱蝦蟇聲抱熊宜經鳥宜申龜宜息狼宜
顧此皆物性自然之巧也青要食虎金翅鳥食龍蜈
蚣食龍鼠食象獅食象角端食獅元龜食蟒蛇吞鹿
狼蝨齧鶴蜘蛛困螭蛇蟾斃蜈蚣飛鼠斷猿豈在形之

大小哉氣足以制之而已 獺飲酒而斃猩猩飲酒而

伏虎食楊梅而醉雀食木鱉而醉熊食鹽而死魚食巴

豆而浮雌鵠食豕肉而瘋猫食黃魚而癩狗食木鱉而

死此皆物性之違也

留青

陰陽變化莫可端倪如雀化蛤雉化蜃蚰化雉蛙化鵝

黃魚化鶉田鼠化鶉鷄鷄化雕鷹化鳩鳩復化鷹虎化

鰻鰻亦化虎海鯨化虎鰭魚化鯢蛇化鱖竹化鱖荇茅

根化鱖死人髮化鱖腐菌化蜂橘蠹化蝶蔬菜化蝶樹

菜化蝶壤婦化蝶水虜化蜻蛉飯粒化蜘蛛茅根化蠅

爛灰生蠅蛆化蠅蠅復生蛆茅根化螢竹根化宵行朽
木化蟬木蠹虫化蟻牛白瓜子化蠹魚稽之簡策確有
可據其他書不盡傳而山林湖海之士能鑿鑿言之者
又不知凡幾也陰陽摩蕩神矣哉

敬齋
隨筆

象胆隨四時在四腿熊胆春在首夏在腹秋在左足冬
在右足黃頰魚胆春夏近上秋冬近下蚺蛇胆上旬近
頭中旬在心下旬近尾 龜行氣導引鶴能任運脉熊
舉目引氣謂之熊經蝙蝠善伏氣鹿卧啣外腎能通督
脉猴無脾以行消食鷓鴣夜飛則以木葉自覆其背綬

鳥必遠草木慮觸其喙黃鳥冬月以泥自裹伏候春始
出鵲伏子擇礬石以煖氣鴛鴦窟破塚間以狐自衛烏
賊魚吸波喫墨令水溷黑以白全 鷄知將旦鶴知夜
半驢鳴應更鵝亦應更節猫日可定時魚腦螺肉及蟹
黃白皆應月獺肝一月一葉猫鼻常冷惟夏至一日則
溫虎噬人狸噬鼠皆隨月旬爲上下 鵠鳴在上蛇蟠
不動鵲鳴在上蝟反不行魚不畏網罟而畏鵠鵠白蟻
聞竹鷄聲則化爲水 龍畏蠟蛟避笏守魚以鰲養魚
以鱖 狐善疑猶善豫 鵲立必順風而東向鷓鴣開

翅必先南翥 猫欲孕可以借氣於帚雞無雄可以借
氣於灶 羊性前逆宜驅牛性前順宜牽 鷦鷯刺巢
如鞞綬鳥吐物如錦 鷺啄則絲偃鷹捕則角弭藏殺
機也 鵝見異類差翅鳴雞見同類拊翅鳴 子規先
春而鳴百舌夏至而嘿斑鳩雄呼晴雌呼雨鸛羣飛擊
雨雨爲之散鵲嚮風搖翅因風疾擊 鳥迎風而飛魚
逆流而上 山雞自愛其羽毛終日影水自照孔雀
密護其身弗令人見象退牙犀退角麝退香皆輒藏覆
狐能禮北斗烏魚首有七星夜朝北斗 蛭寸裂得

水則生鱉既烹得莧卽活 蝦蟆懷土取置遠處一夕
自返雲南繭蝶攜至別省萬里飛回 鹿比類而環角
以白防羚羊獨棲而懸角木上以遠害 獺祭魚其祭
也圓鋪水象也豺祭獸其祭也方鋪金象也 鷹不擊
伏鶻不擊妊 蜂一日兩朝應潮上下蟻居必有等行
必有隊羣鹿視麀尾爲準羊以一雄爲主舉羣聽之雉
分地爲界以一雄爲主莫敢越界 蜈蚣性制蛇而
蜘蛛蝸牛蜒蚰能制蜈蚣 蛙畏蛇而制蜈蚣三物相
值皆莫能動 象傷見日卽產腸尾斷能自續 麀尾

生風蜥蜴吐雹蟹畏霧蠶畏風濕蟹畏隙光射之必死
而日中曝之反無恙 馬力在膊驢力在臚象一軀之
力皆在鼻 鹿走必山岡駱駝知泉脉雞子日中則正
正日昃則偏蝌蚪月大先生前足月小先生後足牛於
月望前生者子行母前月望後生者子隨母後 象交
牝則在水中以胸相貼瓦雀雌雄相感必一俯一仰
海東青小鳥也能擒天鵝燕弱鳥也能剪海東青鸚鵡
四趾齊飛鷓鴣一足起舞烏魚胆甘鰕魚有肚烏鰂引
鳥鮫鯉誘蟻鰻鰐附鬚而生水母以鰕爲目雉鴝取火

火鴨吞炭鰻魚腹中能貯水養子鸛鳥伏子能營池養
魚此皆化工之巧在物亦不自知其所以然也

彙抄

禽畜菜茹之色所在不同如江浙間猪黑而羊白至江
廣吉州二者反是蘇秀間鵝皆白或有斑褐者則呼爲
雁鵝若吾鄉凡鵝皆雁也小兒至取浙中白者飼養以
爲湖沼觀美浙西常茹皆紫其皮白者爲水茹吾鄉凡
茹皆白而水茹則紫其異如是

宋永亨搜
采異聞錄

東方多麥稻西方多麻北方多菽中央多禾
漠北五穀不生地氣冷故也今温州田禾一歲四熟廣東又有

三熟田地氣煖故也 稔有水旱二種南方地下塗泥
多宜水稻北方地平惟澤土宜旱稻西南夷亦有燒山
地爲畚田種旱稻者謂之火米 五穀之種數百各隨
土地所宜其形之光芒長短大小不同也其色味之赤
白紫烏堅鬆香否不同也其性之溫涼寒熱亦因土而
異 觸露不掐葵日中不剪韭 薑畏烈日藕畏南風
芡菱喜穢語芝蔴須夫婦同種 望梅止渴食芥墮淚
五液之自外也 蓬生麻中不扶自直青出藍染反勝
於藍 南瓜節節生根柳楊倒插亦活

農圃
全書